

敬和堂集

敬和堂集卷之

敬和堂集卷之

六

德清許孚遠著

撫閩疏

五

交代謝恩疏

欽差提督軍務兼巡撫福建地方都察院右僉都御

史臣許孚遠謹奏為

旨交代恭謝

天恩事臣前任通政司右通政於萬曆貳拾年拾貳

月初拾日准吏部咨該本部各衙門會推奉

聖旨許孚遠陞都察院右僉都御史巡撫福建地方

提督軍務寫勅與他欽此欽遵備案
鴻臚寺報名謝

恩又於本年拾貳月拾柒日准與部咨該本部題奉
聖旨巡撫官既稱地方有事許孚遠等著候面恩壹
次便辭朝去今後有這等的該部代爲奏請其餘
不得援以爲例欽此欽遵備案到臣臣隨於本月
拾玖日領

勅辭

朝星馳就道於貳拾壹年貳月貳拾捌日前到福

建崇安縣地方准他任巡撫有副都御史張汝
濟將原奉

欽給

符驗壹道關防壹顆

旗牌捌面副並吏卷咨送到臣交代接管外伏念

臣性質迂愚學識疎淺本乏經濟之具誤膺保
釐之責頃自倭奴傳警遠近震驚非安固人心
無以制禦外寇非簡練將士整飭水陸戰備無
以保障地方臣誠兢兢未知所處惟是荷蒙

三朝作養

皇上簡拔之恩敷歷中外亦既有年不敢以時艱退
避入境之後誓與文武諸臣洗心竭力共圖綏
靖報効

朝廷脫有海烽警急增兵增餉捐不貲之賞行不
測之罰雖大破拘攣先發後

聞亦所弗惜昔賢所謂上不負

天子下不負所學苟利

社稷捐軀可爲臣竊自盟之矣再無任感激瞻仰之

至爲此具本專差承差陸親齎謹具奏
謝以

聞

自陳不職疏

奏爲自陳不職乞

賜罷黜事臣叨膺

新命巡撫福建地方馳至建寧府崇安縣與前任撫

臣張汝濟交代訖隨接見邸報當京官考察之

期五品以下已經部院考察竣事四品以上例

應自陳臣猥廁四品伏思罪狀莫如臣多臣不
敢必自匿臣本一介書生忝中嘉靖壬戌進士
翺翔進退處拾餘年於此矣先後染任南北曹
郎署優游風素曾無建明一任廣東海北兵備
僉事適遇竊盜縱橫備歷艱辛未有澄清之效
一任江甯建昌知府牧循無術治行弗彰一任
陝西提學副使董士徒勞教化未洽一任應天
府府丞當

畿輔之糾紛愧使理之無拙然臣竊以浮躁

見謫在府丞以出位被譴此其累愆積愆彰彰
甚明頃蒙

皇上過采庭臣之言拔臣於罪降之後超遷納言隨
行兩月未有寸補於

聖明而

簡命忽臨畀以督撫重寄遺艱投犬自知不勝極切
惶悚況於今者倭警孔棘東南沿海省郡患在
剝牀自非英達之才豈堪制禦之任而以臣之
迂疎衰朽且素多謬鑿屢遭顛蹶者當之債事

貽憂輒恐非細臣反覆思之諸臣之中其爲最
不稱職宜蒙黜幽之典者莫臣若也伏乞

皇上俯察臣衷特

勅吏部將臣亟賜罷免別選材賢往鎮八閩庶經略
得人而

上下均賴矣臣無任激切懇仰之至緣係自陳不職
乞

賜罷黜事理爲此具本專差承差李煙親齎謹具奏
聞伏候

勅旨謹此奉旨欽此

議處海防疏今形又至矣非及制閩鄭武

題爲議處閩省海防急務以備倭患事臣竊

皇上簡拔之恩督撫八閩地方已於本年歲月歲

樹自入境交代具本奏

聞旋趨省會餘月於此矣臣自與司道諸臣講求民

瘼商確軍務所宜區處經略蓋非一端其緩者

固將次第舉行其細者不敢煩瀆

聖聽惟是倭警方棘防禦當周調度將吏據處無食

與整造戰艦軍器不敢不汲汲從事而廢弛
日久振刷實難將帥多掣肘之患兵士仍偷惰
之習戰艦不足而多積腐軍器不全而更甚腐
則武糧餉雖經撥補湊尚是存名無實臣到地方
之日正值春汛屆期諸將督領兵船俱出海上
皇上雖欲亟為查覈其勢無由令肆月已半南風漸
漲舟師幸海上無警俾裏中無事以獲涵養轉盼
擲以月也聞冬汛又至矣若非及時閒暇從頭
陳言整理卒有倭奴大舉入犯其力必不能支

不遠蓋在嘉靖之季當時攻陷城池殺掠吏民
慘毒不可勝言用兵拾有餘年糜費至數百萬
迄於今日瘡痍未起元氣未復而可復蹈故轍
因循苟且以貽將來之禍耶臣用是博訪羣議
熟思審處條為海防急務數事以

聞伏乞

皇上軫念邊海生靈

勅下該部酌議題覆

特賜允行以飭兵政於今日弭倭患於將來臣愚幸

甚地方幸甚緣係議處閩省海防急務以備倭
患事理未敢擅便爲此具本專差承差張一鳴
親齎謹題請

旨

計開

一議移處將帥以重彈壓照得閩省濱海肆府
壹州延袤壹千柒百餘里控禦至艱福寧接
浙之温州爲北路漳州接廣之潮州爲南路
而興泉居福漳之間爲中路

國初設都督府於南日山漳興泉三縣總領其
增設銅山小埕二寨永寧縣後增設南澳海
銅海壇參遊兵伍寨參遊各置有鎮兵總
而臺路並置參將以統其後省會添設總
兵而參將竝改爲守備其後以守備權輕
南路仍復參將通者北路亦改參將來是
分巡興泉道副使今丁憂鄭一麟議於中路
北照南北飛路改設參將掛衛與泉以僉議
未同而此由臣觀之在難容遊歷盡手舉日

餘里之地統以關北貳將信地遠遠集勢誠
有隙不及然不必改設將而當移處總本
何者總兵原奉山今丁憂准一缺於中
勅書平時駐劄省城汛期移駐福寧州然自來總兵
冰期俱駐鎮東衛蓋福寧處省城之東北肆
百里而遙密邇臺山大嶺為倭寇必關之隘
而鎮東居福州之東南貳百里而連海接
塘五虎為倭寇必奔奔衝總兵營重賦輟
固以駐鎮東以蔽全省之門戶俾總兵駐鎮

東調度留無專統兵船故汛畢回劄省城殊
覺優游無事近准總兵官朱先移文稱本鎮
標下額有官兵肆百有奇特養之平時需之
有事一欲出海必得福哨等船貳拾隻未
審應否設備若白姑待臨時取調風潮不便
咫尺萬里勢恐不能以濟緩急此誠有見也
言及查得北路信地自烽火小埕直至海壇
南日相距葉捌百里既有警急調遣實難及
小將領亦以是紛紛多議今莫若移總兵營

駐鎮東專設兵船當船聽其警駕而沿海壇
遊兵屬之使得緩急自如上下俱便其南日
壹寨把總令其自分信地與南北貳路叅將
俱聽夷將屠中調遣往來若遇倭寇登陸或
陸路地方刻有警變總兵暫離鎮東提各路
營寨之兵隨處遏截必無乏而不可失且又
查得南路叅將向駐割玄鍾所近移漳州城
中出汛銅山鎮海寧處彈潮漳副總既駐
南澳而叅將復駐玄鍾銅山鎮海之間雖云
要害亦太繁密且南路信地北包泉興直至
祥芝澳柒捌百里之遙汛守亦所不便今該
路叅將宜移駐泉州中左所南衛漳州北顧
泉興與南日把總北路叅將之兵道里適均
應援亦易此皆不煩更置而得控禦之略者
也如蒙

允議乞

勅總兵常駐鎮東衛督練水陸將兵以重居中彈壓
之勢兼

勅南路叅將移駐中左所控扼漳泉要地以成首尾
應援之形則馭將有法而兵防可飭矣伏乞
聖裁

一議專委府佐以便責成查得福興泉漳肆府
惟漳州添設海防同知壹員管理商稅船舶
移駐海澄其叅府同知並清軍兼管海防未
有專責今欲整頓水陸兵防修造戰艦軍器
非專責之海防官不可然議添設壹官又恐
多事非便臣意各府同知所管清軍總捕此

鹽等務俱有成規不難兼攝今當以海防爲
主而兼攝其餘但有戰船應於某處寨廠軍
器應於某處匠局卽檄海防官移駐其地監
督修造仍會同總鎮各叅及各營寨把總等
官將應辦料物眼同估驗須要精好各項匠
作逐時稽查毋令偷惰船必如式器必依制
寧寬毋刻寧遲毋遽監督工程必待完畢然
後可以他往至於出汛之時須令海防官涉
歷沿海信地閱視水陸官兵稽察虛實監制

往來其所管清軍諸務遇有緊急不妨呈請
委官帶理事畢交還夫然後職掌專而兵政
可飭也及查福興泉參府同知原無

欽給關防凡百文移動關軍務查覈兵馬錢糧必以
該府印鈐申請今欲專責以海防事體遇汛
巡歷海上脫有警急軍情使請印府城尤恐
稽誤合無比照漳州海防同知事例一體請
欽給關防壹顆頒領行用庶使責成伏乞
聖裁

一議大修戰艦巡緝衛營得前任撫卹著春
約法允各察遊兵船修造則例每叁汛小修
伍汛半修陸汛中修捌汛復小修拾汛大修
拾貳汛復半修拾叁汛准折造此以約束捕
兵酌爲中制未嘗不善也但造作之初旣未
能盡如法式官捕數易又不能一心管顧出
汛海洋風濤射激磕損亦易或陸柒汛而壞
漏者有之或捌玖汛而壞漏者有之近據參
將生有麟呈稱烽火巡船經拾汛者玖隻拾

壹汛者叁隻小堀之船經拾汛者壹隻拾壹
汛者伍隻俱不堪以防汛驅有用之兵而駕
無用之船猶以膏脂填溝壑也又准總兵官
朱先移稱各寨船隻多係年久新堅者少何
以禦敵乞行增造又據原任叅將秦經國議
稱各寨兵船造作修理法久弊生委官邀功
多尚節費以致船不如式且易破壞惜小誤
大其害匪輕叁將之言如出於心夫禦倭海
上全賴戰艦戰艦壯固而足恃則捕捕人等
膽氣自增進退緩急俱得如意徒有船而朽
腐不堪駕使與無船同卒遇寇至雖有強兵
束手無措真可惜也臣欲俟春汛甫畢亟將
伍寨叁遊大小船隻通行查驗應修者修應
造者造監督責諸海防稽考責諸各道大為
整頓以備將來及照總兵官朱先談臣議今
常駐鎮東添設兵船壹艘與之駕用又先議
北路叅將王有麟兵船壹拾捌隻抽取烽火
小堀南日叁寨屢據把總董龍楊昌言等稟

擾紛紛相應再爲查處原數之外約計添造
兵船參肆拾隻蓋福寧鎮東俱係上流要害
總兵叅將各備戰艦方可責其身先將士殺
敵成功但各寨遊之船旣欲大爲修造而總
叅項下又有新增船隻增船亦須增兵通約
工費便得貳參萬金所謂計大事者不惜小
費有備無患不致臨渴掘井此兵務之最急
者也伏乞 聖裁

一議大整器甲以壯兵威准總兵官朱先移稱
自古攻守之具神器爲先閩中雖有歲造軍
火器械詢之營寨每稱不堪至如陸戰水戰
埋伏安營偷劫破壘攻擊神器置之不講殊
非完策且夫張軍威奪敵魄觸之者碎遇之
者焦無有過於此者合請查議擇於省中開
壹神器局鳩工庀材委官督造務盡其術發
營演練精熟以備攻守及據原任叅將秦經
國議稱捕舵隊兵向無護身衣甲利器須各

製鐵甲壹領置劈力透甲槍各壹柄以資禦敵等因到臣該臣看得神器之制備於

本朝此

中國長技以禦北虜南倭軍中之所必不可少者

及鐵總油火器始大佛狼機首子銃在各寨

遊兵船或置或不置為數本必而歲久朽鈍

雖有若無此所以來總兵之請也近據

福寧道發事吳之鵬呈奉前院批詳浯嶼浯

銅寨遊請添佛狼機緣由轉行咨該道府查

議續據福寧州知州史起欽行准烽火寨牒

稱該寨福哨東烏船共應添造佛狼機肆拾

壹座該州覆查明白議造通計用銀捌拾兩

零呈詳到道轉詳到臣批行如式製造以烽

火壹寨推之其餘寨遊可類推而知也臣欲

自今通行查處一面開局委官打造神器以

備水陸戰守之用至於衣甲不完器械不利

雖有勇士難責先登且以卒予敵何為而可

合俟汛畢通查水陸各兵刃槍器械但有殘

缺苦窳盡行修造整理及查陸兵略有自置
衣甲多未堅完水兵全無衣甲須得從新製
辦要使人有堅甲利器刀不易入而銳不易
傷雖強敵在前無所畏懼卽驅之赴湯蹈火
無所不可矣前項工費大約亦得數千金以
俟臨時逐項酌處伏乞

聖裁

一議存畱募兵以便操習查得每年春冬汛畢
烽火等五寨貼獨軍兵盡數放回衛所休息

值出民與畱寨與海壇等處應操
大軍修船隻量撥船隻搭客船隻
盡行減放船隻冬春操與隊營操
等及臨汛期軍兵操與民兵再募此
飛馬省費計也夫兵非一日而成訓練操習
貴於有素將識兵情兵識將意然後臨事可
如身臂相使矣倉卒募兵國帑各去取之
權操在哨捕新兵應募者皆直至今自備
熟則捨無貳參戰備而來操班之日往往

損價求售而去將無常兵兵無固志雖欲程
督訓練勢有不可奈何望其遇賊奮勇
勝於波濤瞬息之中耶議於春汛畢日行
總兵叅將提總等官將各遊水兵重加挑選
應畱者俱畱應易者姑易畱者量減月糧肆
分之盡常川在船期操練其條造各船
使衆兵看管備促完工亦易船以兵爲守兵
以船爲家而不給衣甲餼其器械士氣當
百倍於他日矣其賊爲軍兵汛畢可如舊例

放回休息然亦須總叅親臨衛所挑選精勇
諳習水勢之軍編定貼駕待有不堪而後更
之無容衛所擅自分班以老弱充數庶幾其
可也及查得陸營土客官兵遇汛則分布防
海汛畢則輪撥守隘又土兵陸營例有輪哨
放班亦無常川操練至有爲把總數年而不
識兵之姓名面目者此皆非法夫兵以團集
而壯以操練而精臣議訊畢俱無放班量減
月糧參分之壹行令總叅守備把總等官各